

“Cietganjcax” Lizensuzcuz:

Simlangh Haenqrem Yungyiemi Mizyinx

粗犷热烈惊险刺激的傜族“刀杆节”

□ Lij Liz ingj Sinhyungz hoiz



▲ Gwnz ganjcax yienj fandingqdaej, vunzraeuz hemq haenh youh naeuz ndei.



▲ Ngoenzneix sim' angq lai, eu fwen caia diua foux.



▲ Saeqsim cug laecax, hawj daihgaya onjsim.



▲ Lohdin byaij gyoqfeiz, vunz mbeilaux cij ndaei.

“Cietganjcax” dwg ngoenzciet conzdungj minzcuz Lizensuzcuz youq henz Dahnun'gyangh haenx ceiq hoenghwd ndeu, moix bi liggaueq ndwengeih cobet hoengh banh, aeu cungj fuengsik simlangh haenqrem caiqlij miz di yungyiemi mizyinx neix daeuj geiqniemh boux yinghyungz daihdaih riuzcienz roengzdaej haenx. Danghnaeuz miz vunzhek daj dieggayae daeuj daengz, gyoengq beixnuengx Lizensuzcuz lij aeu gij go foux conzdungj daeuj angq coux.

“Bin laecax, roengz haijfeiz” cungj hozdung fungsug sibgvenq conzdungj ndawbiengz neix, dauq yienh gij cingsaenz naihaemz gannanz minzcuz diegbya ciengzseiz bin bya benz dat haenx. Gij laizlig “cietganjcax” miz cungj ciengzgangj baenzneix ndeu: Ciuhmimgz binghbu sangsuh Vangz Gi souh cauzdingz baijnyaemh daiq bing bae Yinzniuz gizdieg Lizensuzcuz comzyouq haenx baijbouh ginh minz lienzfuegz, hoenxbaih vunzdig, soudauq gij diegdeih deng ciemq bae haenx, ndaej daengz beksingq boiqhab, doeklaeng gyaep gij vunzdig ciemq haeujdaej haenx deuz. Vih hawj dieg henzguk minz fouq bing ak, de daiq gyoengq bouxcoz Lizensuzcuz lienh bing dwk gienz. Doeklaeng vuengzdaeq dingq vunzvaih luenh ngvab, dwk yw doeg Vangz Gi dai bae. Baenzneix vunz Lizensuzcuz couh aeu aen fuengsik gvaq “cietganjcax” geiqniemh boux cienglingj gyaep guekcoj neix.

“Cietganjcax” youq Yinznanz



▲ Gij vunz bin ganjcax, daihgaya raen mehmbwk.



▲ Goengsae daeuj yiendauez, vunzraeuz riengz caeqbaiq.



▲ Caeqbaiq goeng yinghyungz, mbaenj vuenyungz saedceij.



▲ Beixnuengx dox gingqlaeuj, vunzraeuz caemh angqyangz.

Swngj Luzsuij, Fuzgung daengj dieg banh ndaej gig hoengh. Ngoenzciet, gyoengq saimbwk lauxnyaed gwnz ndang daenj gij ndangdaenj moqsagsag minzcuz bonjfaenh, doxcomz youq diegdangz ganjcax. Gwnz diegdangz haem daengj song diuz ganjfaex haemq co raez 20 lai mij haenx, dawz 36 roxnaeuz 72 fag caxraez bakcax yiegg doxhwnj dwk cug youq gwnz ganjfaex, danhfanz dieg miz sam roxnaeuz roek haenx, song fag cax camca baenz yienh X, gwnz dingj ganjfaex cug miz mbaw geiznding iq caeug bauqreng. Bin ganjcax cujau miz diemjva, diemjcax, loenghcax, couxva, baijdaiz siuyieng dajcuengq, caeq ganjcax, daengiganjfaex, caeq lungz, hwnjcax, utcax, lohlin byaij gyoqfeiz daengj lai bouh, yizsi baenz dauq yenzgwz dangqmaz. Boux bin ganjcax dingzlai dwg bouxcoz bouxcangq, gyoengqde ndang daenj buhhoengz, gwnz gyaep hoi baengzhoengz, lohlin. Bin ganjcax cix youq ndaw feizdong dawz foengxoo caeug sing gyonglaz gyukgyad ndawde hainduj, gyoengq bouxcoz youq

ndaw sing angq hemq lohlin diuq haeuj ndaw dong gyoqfeiz, caemhcai youq ndaw dong gyoqfeiz diuq bae diuq dauq, neix heuhguh roengz “feiz”, “rag lienhfeiz”; song fwnz lij gop feizmbaw rub hwnj gwnz naj, heuhguh “swiq najfeiz”. Ciengq go diuq foux sat le, gyoengq bouxcoz lienh gvaq haenx lohlin yat hwnj ganjcax, angjdin caij bakcax, song fwnz gaemfuz bakcax, baez mbaek baez mbaek bin doxhwnj, bin daengz dingj ganjfaex diemj dawz bauqreng, yot ok mbaw geiznding iq bau coh gyoengq vunzlai angq dwk hemqyuyu haenx le youh baez mbaek baez mbaek doenq roengz daengz gwnz namh. Vunzlai cungj humx hwnjbae ndenq cenj laeuj he hawj bouxak gwn. Laj “ganjcax”, feizdong cingq coemhdawz foengxoo, gyoengq saimbwk Lizensuzcuz daenj gij ndangdaenj conzdungj minzcuz bonjfaenh, roq gyong roq laz hopngomx ganjcax ciengq go diuq foux, ciengzmienh hoenghwd nauhyied. Gyoengq bouxcoz caemh yungh aen gihvei ndei neix doiq fwen ra youx, angqyangz dangqmaz.